

广东通志

一

二

三

四

廣東通志卷二百十九

甲子重刊

古蹟畧四

署宅二

廣州府二

東莞縣

察院行署在縣治右即軍器局舊址

黃志

布政分司廢行署在縣治右

郝志

按察分司廢行署在縣治左

同上

海南道行署在縣南頭東莞所

黃志

府館在城隍廟右後遷資福寺右

東莞縣故治一在東莞場北一在大朗村東

俱同上

縣丞舊署在縣署東南

府志

舊尉解在道家山東同

稅課大使廢署在縣南德安橋側縣志

白沙巡檢司廢署在縣西南白沙村郝志

缺口巡檢司廢署在周家村司冊

京山巡檢司舊署在京山村縣志

中堂巡檢司舊署在樊塘府志

河泊所廢署在縣西門外郝志

水馬廢驛一在鐵岡村一在城外迎恩橋一在縣

東北黃家山縣志

虎門協副將舊署在虎門寨卽今左翼鎮總兵署

府志

南海衛廢署在縣治西南縣志

舊儒學在縣東南二里金志

宋行朝在縣治西南二百八十里梅蔚山宋景炎

丁丑帝舟次於此營二殿故址猶存黃志

漢孝子黃舒故居南越志寶安縣東有參里縣人

黃舒者以孝聞於越華夷慕之如曾子之所為故

改其居曰參里也寰宇記

經史閣在舊儒學宋建據文溪集

宋李昉英經史閣記莞號廣聞邑羅浮址之厚海負之鉅彥秀民為多設學宜稱是湣熙此焉始基開禧丙寅遷大成殿于西嘉定辛巳因移賢舍於其前面勢砥厥初差易位而當勝處至紹定己丑而後對闢齋廬重作南門纔具體而微亦艱矣世俗吏類急期會迂化本鞠蔬積弗治老屋將壓新

策亦敝何易也溫陵許君以海內大儒來宰邑始廟謁謂庠序圯陋庀繕其事由殿而廡而祭器庫而門而庖而湍鼎鼎偉觀乃躬程試收其雋尤育之淑之員倍給腆衿佩自遠方至于絃歌洋洋前此未有也邑有沒入之田若干金錢若干法當上憲臺公并謂歸學繡衣使弗靳繼粟裕卽直廬而閣其上收圖籍度之萬籤森架士得讀所未見學垂百年草荆未完公手營之學田閱幾令漠不問公能增益之然皆其餘事公之學得伊洛心傳所至山斗規矩嚴條教悉日夜至齋房與諸生講論有一藝能極口稱獎不中不才者亦循循善誘卒爲成人他日大其用以斯道覺斯民使天下皆在道化中卽百里規模之充也

舊思賢堂在儒學內宋淳熙中建祀邑令陳謨司

戶翟傑陳慥

郝志

望至堂在烏沙宋季潮州教授李佳痛其母忠烈蹈海死旣招魂葬於鷄心山復作堂以望母云

縣志

雙忠雙節堂南海衛百戶范震祖父瑛俱死于戰

祖母陳氏陶氏皆守節故名

同

六君子堂在儒學寶書閣後祠宋五子及南軒張氏以張文獻余襄公崔清獻配後堂廢乃像張余崔公于寶書閣下歲以丁舉祀以邑賢梁文奎梁

該錢益配之

黃志

洪山堂在東城外明嘉靖初改爲覽秀社學

府志

萬卷堂在新橋明侍郎陳璉建

黃志

經訓堂明邑人陳用原建

據瓊臺會稿

廉泉亭在東莞黃嶺下宋紹興間縣尹張勲建

黃志

元攝令郭應木重建

縣志

元侯主廉泉亭記至大四年連州判官郭侯攝東
莞邑事未數月政修人和奸猾屏蹟暇日乘輿而
適野至黃嶺之下見廢井不食頽垣敗甃有無井
之心問于左右曰此各廉泉紹熙間邑令張侯所
發也泉味甘冽深僅尺許窮冬亢旱不竭張侯又
作亭泉上時與客來作茗事刻石亭上曰烹茶記
其後亭廢記亡井亦不治咸淳初攝令袁侯盡復
之廣帥省身雷公爲書廉泉二大字榜亭額進士
余復亨爲記而廢于兵者四十年矣侯酌泉飲之
信買石發井因舊址爲亭因舊名爲勝成之日名
勝盛會侯顧亭榜而言曰亭泉之名雖祖濂溪然
因名以尋其義則省公之意亦非苟然也凡並海
之水皆鹹惟此獨甘冽是衆濁之中而獨清也衆
濁而獨清廉者之事也雖然易六十四卦以坎體
見于大象者十有五而惟蒙曰泉蒙者物之始生
也泉者水之始達也物始生也無有不善其不善
者或混之也水始達者無有不清其不清者或涸
之也公能以赤子之心爲心更能以龍驤公不易
心爲心則無愧此泉矣邑士月橋陳君對曰先生
幸教諸生以易某欲以易報先生可乎此泉初本
漫流高人勝士朱之奇也張侯發而井之始與匡
廬谷廉無錫惠山相伯仲然自紹興以至景炎未

百年而壞者再以易之井曰六四井甃无咎象曰井甃无咎修井也成壞常理也時而修之俾勿壞則六四之賢也顧未知後來之六四何如耳於是退而相與謀來徵文爲記嗟乎泉之食不食井無得喪也水之治不治泉無得喪也而況于亭之興廢乎而況于記之有無乎可無記也雖然欲使後人知井六四无咎之義嘗謀治之則不可無記故書張侯名勲南軒孫袁侯名徵省身公名宜中以侍從帥廣州郭名應木資中人今以歲最爲廣東道廉訪司照磨皇慶壬子夏朔前進士侯圭記

青紫峯亭在黃旗嶺宋陳應宸所居

據詩海

宋陳應宸青紫峯亭詩鐵壁嶙峋構小亭蕭然雲棟接風櫺烟光橫抹半峯紫山色不磨千古青老去久無金馬夢歸遲應愧草堂靈明經拾芥成何事得似朝來對畫屏

仙履亭在紫霞壇上羽士崔羽羽化之所

黃志

高遠亭在南岡山舊名拱辰後改其樂宋紹熙中

知縣張勲重建遂易此名今地

府志

鳳凰臺在城西柵口宋劉宗暨弟玉隱居此

同上

遺愛亭在儒學泮橋之左明知縣吳中建正德四

年知縣陳墀遷于縣左

黃志

鳳凰臺在道家山相傳昔有鳳凰翔集于此因名

鳳凰岡建臺其上故址猶存

宋白玉蟾訪紫霞于鳳凰臺不遇詩鳳去臺空事

尚存晨鐘暮鼓換鑪薰龍魚吞吐四海水鸞鶴歌

笑三天雲花覺月寒春又老沙知潮落夜

將分紫霞真人去路杳步虛一聲聞不聞

明祁順鳳凰臺詩往事淒涼十二樓道家山色接

羅浮白雲正傍人行處流水直窮天際頭鳳鳥不

來悟易老神仙何在世空求登臨

幾度成惆悵落日涼風滿眼秋

覽秀臺在道家山尉解後元大德己亥縣尉劉進

程嘗刲肝療母病於此至大戊申縣尉陳仕俊於

臺上建亭仍榜曰覽秀

俱同

梅軒明邑人袁秉彝建爲藏修之所

據瓊臺會稿

竹隱精舍在縣南八十里獺步村宋開慶己未御

史周梅叟爲邑儒李用建理宗御書竹隱精舍四

字賜之從經筵官劉震孫請也遺址尙存

黃志

李孝婦坊婦何氏適李昌期舅姑有疾婦刲股以

進尋愈夫逝守節咸淳十年邑令袁夢冊爲立孝

婦坊

同上

祁順詩亭亭華表荒江上孝婦名高照里巷閨門
至行動九重致有鴻恩自天降人誰無舅姑反昏
勃谿將何如人誰無夫婦失節移天紛莫數卓哉
賢婦心不與常人同舅姑吾所主良人吾所從於
此當無情天地何處容高堂嬰疾吾悽惻刲股爲
糜充藥食股肉猶可生舅姑難再得此吾豈忍爲

親惜一朝疾平百憂釋良人早逝身無依悲號不
是傷春啼寒燈伴機杼夜雨愁空閨縱死不作他
人妻山石可轉心不移吁嗟孝節有如此扶抗綱
常厚倫理矧當末世風俗頹婦中却有真男子小
人紛紛當懼死

余襄公候潮處在城南五十里武山下潮汐消長

可辨宋余靖常候潮于此作海潮序府志

新安縣

分巡道廢行署在城西郝志

海防廳廢署在城南縣志

教諭訓導舊署一在東南門內和陽街一在城南

海防廳右同上

官富巡檢司舊署在縣東南八十里郝志

東莞場鹽課司廢署在縣南門外山川壇前

縣志

歸德場鹽課司廢署一在縣西北三十里臣上村

一在周家村

總兵廢署在城內東南隅

備倭把總司廢署在城西南

俱同上

舊儒學在城南海防廳左

金志

宋行宮一在新安梅蔚山一在新安官富場

大清

一統志

望烟臺在鳳凰巖下相傳文丞相姪文應麟之子

孫家于嶺下爲何左丞部將值歲荒建此臺登眺

凡家無爨烟者賑之

府志

大觀臺在廠前天妃廟後層巒聳峙俯瞰滄溟爲

一邑巨觀今圯

同上

從化縣

察院廢行署在儒學左

金志

按察分司廢行署在縣治南

同上

流溪巡檢司舊署在神岡

縣志

翠峰草堂在韶峒明隱士黎元昌讀書處

黃志

濟川亭在古樓潭正德十六年知縣邢維高建

同上

武臺在從化

據思元堂集

明歐大任武臺詩南武千年國將軍
百尺臺何人通越路西引夜郎來

龍門縣

布政分司廢行署在縣東北

黃志

嶺南道廢行署在城內東南隅

縣志

府館在東門內即舊仰山寺址

黃志

上龍門巡檢司廢署在黃沙坳

郝志

新寧縣

布政分司廢行署在縣東南

金志

按察分司廢行署在縣西南

同上

今為節孝祠

縣志

府館在縣西

黃志

後為守禦所久圯今為兵房城守

把總駐劄

縣志

望高巡檢司廢署在海晏都望頭村

郝志

廣海寨巡檢司廢署在廣海寨城

縣志

蜚英書院在縣城南大清一統志

增城縣

察院廢行署在城南大街鳳凰山下菊坡書院左

金志

布政分司行署在察院左黃志

守巡分司廢行署在城隍廟左郝志

舊縣治後漢建安六年置一在開元鄉金牛都一

在九岡村今為民居黃志

舊府館在南門大街久廢郝志

縣丞廢署在縣署東金志

烏石巡檢司廢署一在縣南七十里清湖都石下

村一在甘泉都東洲

縣志

稅課大使廢署在萬壽寺左

倉官廢署在縣治西北際留倉後

廢河泊所在增江驛右

增江廢驛在城外

烏石廢驛在清湖都

東洲廢驛在縣南八十里甘泉都

左翼鎮標遊擊舊署在甘泉沙貝村

守禦千戶所廢署在縣大街右

俱同上

舊儒學在城西北登高峰下宋開禧中建元至順

三年徙建城西冲霄門外

金志